

榕城纪纂 二

榕城紀纂卷下

寺觀

開元寺梁太清三年置舊號靈山尋改大雲唐初曰
龍興開元二十六年以年號改今名有明皇像會
昌汰天下寺州存一即是也天禧中災慶歷三年
復創有辟支佛像戒壇南為靈源閣東西有鐘鼓
樓其東平懷堂後唐同光初為太平寺閩王審知
建以銅三萬勛範彌勒像於靈芝二山之麓下有
古井深不可測縻金銀萬餘兩為四藏經各五千
四十八卷又造木塔七層宋時屢災併入開元建

災中於寺置啓運宮

詳古蹟

明為祝釐之所

國朝順治四年燬十四年重建康熙三十八年

御賜開元寺額

王恭開元寺詩

城裡青山聞梵音
靈源高閣影沉沉
鳥邊祇樹人烟近
象外雲花野照深
苔色滿廊行履跡
月明空界印禪心
自憐人代多氛垢
未得焚香禮遁林
萬歲寺在九仙山麓
天祐元年琅琊王審知所造
明年賜名梁開平中表請其寺祝天子壽
故名至今誕節前一月太守率僚屬班拜于庭
以佛法啓祝

及是日拜祝如初熙寧八年始創千秋堂候班乾
道九年史丞相浩改為華封有定光塔七層梁開
平元年忠懿王所造正德十二年修萬歷十一年
重修尋後頽廢四十年脩葺寺有獨木鼓大可五
圍刊頌其上傳為北守時物

王恭萬歲寺塔詩

絕頂層標出半天子山宮宇翠微連雲飛百粵滄
波外鳥度千峯夕照邊平遠臺空秋珮冷毗盧閣
靜夜燈懸屠龍射鱗今何在蔓草荒林幾度烟
徐燠登萬歲寺塔詩

寶刹凌霄迥登扳倚九垓山何天際遠樓閣日邊
開旛影依簷落鈴聲拂檻來馬江波浩淼雉堞勢
潔洄隔嶺留殘照遙空度晚雷炊烟生下土禪誦
出香臺雲自山腰起人從樹杪回迷川今日度劫
火往年灰上界踈鐘動孤城暮角催幾思題偈後
古壁半蒼苔

鄧原岳登萬歲寺詩

寶刹搖空界孤標出上方星纏分景色島嶼入微
茫鈴逐殘雲落旛隨去鳥長初疑金粟影忽見玉
毫光月隱晨曦動烟消海氣涼何緣脫塵網于此

度津梁

報恩塔院在神光寺旁大中十一年觀察使楊發以
隙游亭地命僧鑒空創寺及塔七層咸通九年勅
號神光之塔院曰報恩塔院閩之浮圖始於蕭梁
高者三百尺至有倍之者銛峻相望乾符五年巢
寇焚殄無遺開平中閩王審知復之謝郎中泌詩
城裡三山千簇寺
夜間七塔萬枝燈太平興國二年升為寺明道中
始為禪刹王延曦又造石塔已燬又作小菴於寺
後山麓仍舊名經月蘭若

周朴神光寺塔詩

良匠用材為塔了神光寺與得高名風雲會處千
尋出日月中時八面明海水常流傳國野天文方
載福州城相輪頂上望浮世塵裡人心應總平

王應山夏日遊神光寺詩

寶刹憐烏石携尊憶舊遊慈山自名勝我輩坐銷
憂灌木長垂蔭曇花半似秋悠然發幽興得句若
為酬

清冷臺下寺一徑隔塵氛野飲偏宜暑尋山幸有
居山深稀見日洞古忽生雲醉郎依禪榻何言已
夕曛

徐燠遊神光寺詩

薜蘿深處入一徑自逶迤待月嫌林翳看雲怯石
危岩陰燈影晦山靜磬聲遲雖有重來約重來知
幾時

徐燠遊神光寺詩

破寺不堪遊新庵尚可投攀松還倚竹尋壑更經
邱地僻門休掩岩傾字半留晚風花落盡吹上老
僧頭

石塔寺南澗寺東唐貞元十五年建德宗誕節觀察
使柳冕以石建塔賜名貞元無垢淨光塔庾承宣

為記五代晉天福二年王延曦重建名崇妙保聖
堅牢塔永樂宣德成化間屢脩嘉靖間寺地為民
居乾沒一塔僅存

國朝順治六年重興

曹學佺石塔寺點燈詩

浮圖初建自貞元埋没人間廢址存石室尚鐫朱
仲晦碑文曾讀庾承宣百枝燈火縣空界四顧河
山繞郭門漫嘯老僧勤課誦向來興後若誰論
洪士英登石塔寺詩

寺廢塔猶存經年不啟門隣梯間借上石磴始能

捫鷄犬烟中市桑麻雨外村殘碑雖剝蝕彷彿辨
貞元

湧泉寺在鼓山唐建中四年龍見於山之靈源洞從
事裴胄曰神物所蟠宜寺以鎮之後有僧靈嶠誅
茆為臺誦華嚴經龍不為害因號曰華嚴臺亦以
名其寺梁開平二年閩王審知復命僧神晏居焉
號國師館徒千百傾國寶給之乾化五年改為鼓
山白雲峯湧泉院宣和間有僧體淳訪經臺遺址
創閣曰妙峯樓曰頻伸齋曰東際菴曰一多又癡
坐崇石無寄軒網珠鏡臺芥瓶憨睡室門曰魚盡

總名曰華嚴明後改為寺宣德間重建嘉靖壬寅
寺燬

國朝順治初僧元賢重脩康熙間

御書湧泉寺額以賜

王恭鼓山寺詩

靈源飛鳥外芳巖翠蒙葦雪覆經春葉雲殘度壑
鐘逢僧留半偈習靜愛中峰自笑紅塵裡誰能寄
遠蹤

夜宿白雲半風泉雙籟鳴厨花香外度燈影竹間
明月水月心方靜
江湖夢轉清談詩猶未已東閣曙

鐘聲

徐夤宿鼓山寺方丈詩

維摩丈室絕塵氛
坐對珠龕演梵文
松際窺人孤嶂月
山中留客半床雲
疎鐘出寺過林隱
怪鳥啼春徹夜聞
真性由來愛空寂
名香親向殿前焚
孤峰天半削芙蓉
入夜遙看紫翠重
一片禪心千澗水
五更殘夢數聲鐘
雲生淨土龍歸硤
露冷空臺鶴唳松
借宿僧寮經幾度
蒼苔埋却舊遊踪

陳仲漆鼓山寺詩

寒燈寂寂掩禪房
絕壑松濤入夜涼
春鳥啼殘孤

杖屨集 卷之
嶂月暮雲濕斷半爐香磬傳空界僧歸院寺隱深
林虎近牀曙色漸分山漸出千重烟樹鬱蒼蒼
謝肇淛宿鼓山禪院詩

上方寂寂鎖蒼藤門掩雙峰最上層半嶺松濤千
嶂雨數行香篆一龕燈寒潮應月喧殘寺獨鶴眠
雲伴老僧塵夢欲醒鐘磬動冷然心地證三乘

雪峰崇聖禪寺唐咸通十一年置初僧義存與里人
謝倣輩誅茅為菴于涼映臺北其徒益盛寫衲無
所容乃去庵三百步營所居乾符二年旣應天雪
峰禪院乾寧元年後于陳洋造法堂王氏傾貲給

之厦屋彌山鑄用像設悉具光化三年改號應天
廣福三堂中鉢去來率一千五百人太平興國三
年賜號崇聖宣德間重建

唐秦雪峰寺詩

微霜落葉度關河古寺深秋掩薜蘿輕策獨隨飛
鳥去好山偏向夕陽過三花祇苑逢僧少獨樹空
林積雨多暫盍朋簪耽勝果下方塵土易蹉跎
葉向高遊雪峰寺詩

障日太峻嶒矣天散鬱蒸峰寒猶帶雪徑仄半垂
藤臥病君恩隔安禪世態憎留連不能去覺路尚

堪乘

招提開寶地振錫自何年
繡柱圍蒼蘚虛廊響瀑
泉布金人已去說法事空傳
辛苦催租吏豪門半
寺田

青山看欲遍茲地喜初遊
洞古松杉翳堂傾嵐崔
愁法雲時作雨僧腊不知秋
分得伊蒲供還為信
宿留

存公振宗教道迹到茲山
枯木猶藏鉢經年只閉
閨斯人不可作流水自潺湲
一脫微名累超然心
境閒

徐燠遊雪峯寺詩

蹠遍危巒翠靄重寺門金榜署唐封三冬積雪埋
孤嶂百尺春潮戰萬松石卵爆殘成識緯木毬趯
後露機鋒一輪皓月方池照影出雲端象骨峰
路入雲邊少客來翠微深處竹房開斷碑歲久摩
無字古鏡塵封掛有臺鐘為缺餘奪剗上井因皆
後幕生苔佛田一半歸豪主誰捨藍家長者財

謝肇淛遊雪峰寺詩

古刹高臨象骨峯客來下界已聞鐘搖空塔影依
雙樹捲雨濤聲吼萬松百里遠山皆貼地四時積

雪盡成冬木毬不動香臺冷猶殘碑蘚未封

一從飛錫亂峯巔寶地香燈七百年水轉山田無
雀耗雲歸石洞有龍眠窓前池蘸千林月海外潮
通半壑泉勝事只今俱寂寞殘經空鎖講堂烟

東禪寺梁大同間建郡人鄭昭勇捐宅為之在白馬
山舊名淨土唐武宗廢為白馬廟咸通十年僧惠
箴居之及夜禪定有戎服若拜而辭者是夕或見
白駒乘之觀祭使李景溫因撤祠為寺號東禪淨
土錢氏號東禪應聖大中祥符八年賜號東禪寺
崇寧二年因進藏經加號崇寧萬歲紹興十年改